


Alhou ye Ayepu Ghili **Kighithimiqo**  
Eno Akuka **Kutau pe Akemiqo**  
**Muzusutsu Chenikeshea?**



Akumzapu Kuchouqo  
Kiphi Kichekutsu



**Pakutoshi** paye tungkupumi lakhike ipi ithughieno zuleno timiqo hakutholu eno xukutholu kepu tsape pesu kutsupiye puzu aqokitikhi kumzapu zusuluveno kusukinimi shipivivetsu, kithimi xupughuvetsu eno o w luthu tuqhouqo pephe piyesutsu aye noye pa momu li puluve nani keshea?

Noye tipau puluve nani keshea? Ishi nono kuchou eno kichileu tungkupuu puluvekeu huno alhokuthu ghenguno ow Xakuthami shinani. Ishi timiqono akukutsu tsu ighiakeu ghili lo Baibel no kiu pi anikeno tipaqo ithimayesakepu akhotoshi ani.

1

**Ayeghi lo ashekha tsalaqo lo tile kuchou tungkupu ipeghinani ipi Baibel no kutsupiye puanike shea?**

“Ashekha tsalaqo lo hi shiipeghinani ipi Alhou no pi ani, tiye Ino I Ghungu pesu ashu kumtsu shou lepukutsu nani; tile onunuqono eno ongaqono tungkuputsa pinani” (Apostolmi 2:17).

Khokichile: Iye. Ashekha tsalaqo lo kipitimi eno totimiqono tungkuputsa pinani (Joyil 2:28-32).



2

**Jisu no kungugha lo ikuvenikelo Pa kukuhou lo tungkuputsa pikulupu gho tsupuni, tipaqo gholo agho kutau bidi ghi tsupuni; Akhopemi Tsavipemiqo, Pastormiqo, eno akukutsumiqo (Efesiami 4:7-11). Alhou ye kushiye agho hipaqo pesu akukuhou lo qhitsukeya?**

“Hukuthu kumla shipenike ghenguno akimithemiqo nanu shitsu, tishieno Khristo phimpi shikumtotsu penike ghenguno” (Efesiami 4:12).

Khokichile: Jisu no aghokutsu pungu pesu akimithemiqo nanu shitsu. Alhou wu ado ashekha lo akukuhou no aghokutsu hipaqo gholo lakhi likhimu vezuve aye tomlavenani.





3


## Baibel tsaqo lo timiqo lau tungkuputsa ghokutsu kihikutha lono tsuchekeshea?

**Khokichile:** Kumoe. Tungkuputsa pikeu ghokutsu pe akemiqo lau alau kutomo sukuphatsu, Alhou no aghokutsu hipau pesu totimi tache lau ghi tsupuani: Anna (**Luk 2:36-38**); Miriam (**Ipekulu 15:20**); Deborah (**Xakuthami 4:4**); Hulda (**2 Kukamiqo 22:14**); eno Evangelist Philip nga bidi qo lau tsu” (**Apostolmi 21:8, 9**).

4

## Alhou kukuhou lo aghokutsu hipaqoye ado khitho kutolo ananikea?

“Ninguno akupulu lo lakhi shi kuqhaluveno Alhou Nu kighithi lo iloghiluno tokhoikemi lakhi shilu eno Khristo wu chhitoikeu kimighi qhemi lo ikughilumphu kutolo aghokutsu hipau ye tishi achenani” (**Efesiama 4:13**)



**Khokichile:** Aghokutsu tipaqo ye Alhou timi kumtsuno kuqhakulu shilum phi kutolo tishi achenani. Ado-kishekha (end-time) lo panongu ye kuchouno tokhoivekemi Khristomi shivenani.

5

## Kuchou tungkupumiyo ye alaghi khilauno panongu no pikeputsaqo ithulu chenikea?



“Tungkuputsaqo ye khilemu timi pulou lono ighichemo, ikemu Alhou wu kimithemiyo lau Akimithe Ghungu no panongu lolo muzusutsuno kipekulhu tsu keu lono picheni” (**2 Pitor 1:21**).

**Khokichile:** Aghungu lo kumlaqo ye tungkupumi khiunomu pano luthu pulou lono pichemo. Panongu kukumusu ye Jisu launo ighicheni, Akimithe Ghungu vechewono.

6

## Alhou no alaghi kuthu lono tungkupumiyo vilo picheni. Alaghi tipaqoye kiu kiukea?

“Tsatsala tile nongu gholo tungkupumi lakhi aghiaye, Ni Ampeu no I kutoshi Piyekusu (vision) lono pa vilo pinani; Ino asamo lakhi lono pa vilo pinani ... Ino agi kinheqheho pa vilo pinani” (**Akikihi 12:6, 8**).

**Khokichile:** Piyekusu lono, asamoqo lono eno kinheqhekeu lono Ampeu no tungkupumiyo vilo picheni.





7

## Kuchou tungkupumi lakhino Piyekusu lo ake ghulokilo pa phimpi ye kiu kishi ananikea?

**Khokichile:** Hile akiqi akhoto tsugho akeu ithilo:

- A. Hukuthu lo pa shiahji lo akumto kuhanani (Danel 10:8).
- B. Athiu ye thosu lo pighichemokeu kumto ithuluve nani (Danel 10:18, 19).
- C. Pa philo atuthu shemove nani (Danel 10:17).
- D. Atsa piphenani (Danel 10:16).
- E. Ayeghi lo homxape akeu ghili ye kiumo ithimove nani (Danel 10:5-8; 2 Korinthiami 12:2-4)
- F. Anhethi tsukhope anani (Akikihi 24:4).

Kuchou tungkupumino piyesu lo akelo pa phimpi kuchou kichekutsu Baibel lono akiqi tsugho tsuani; panongu gholo hamiye hipano tsugho qhai shikeu shichemo, tishi aghiepinamu tungkupumi lau kiu piyesukeno tiye kuchouke.

8

## Akumzapu kumla kijeje shikeu lono tungkupumi lakhi ye Alhou launo ighikeuke ipi phuphetsulu nanikeshea?

**“Satan ghunguqo no akumzapu kumla shicheni (Piyekusu 16:14).**

**Khokichile:** Kumoe. Satan eno pa ghinimiyo ghi akumzapu kumla shilukepu kuka ani. Akumzapu kumla shikeu phuphetsukeu lakhi akeuye: thosulo shichemokeu kuka pe akeu. Ikemu Alhou ngo Satan pama kinikujo akuka hipau pe ani (Zahkiniu 13:1-5; Piyekusu 13:13, 14).

9

## Jisu ye ado kishekha ghulokilo kiutoikeu kumsapu ghili ningu lau kutughutsu anikea?

**“Kichileu Khristo eno kichileu tungkupuqo ipeghieno amichipu eno akumzapu kumla kijeje shieno timiyo pishiqhiluve nani, tsutsala toluka aye kishekhipemiyo kutolo pishiqhivenani” (Mathi 24:24).**

**Khokichile:** Alhou no ningu lau kutughutsu akeuno, tile kichileu Khristo eno kichileu tungkupuqo ipeghinani eno Alhou no kisheluvekemiyo kumonapi aye tinguno alau kutamiye qhoi ghozuluvenani. Billion kumzapu pishiqhi luve nani, eno sasu puhaveku lo ilovenani.



10

## Niye kishieno tungkupumi lakhi ye kuchouke kichileuke ipi ithinikea?

“Ayezha kiqi lono eno ashepe kiqi lono! Tsutsala panonguno hipau tsa kiqi lono picheghimonapi aye tiye panongu lau akuvu kuhake” (Isaya 8:20).

**Khokichile:** Alhou tsa pesu panongu kukutsuqo eno panongu kumla kughuthaço thejulo, eno tsutsala Kuchoyehsu sasu kiyequve aghiaye, panongu ye kichileu tungkupuqo ke, eno panongu lau “akuvu kuhake”

11

## Baibel lo kichileu tungkupumiqo jeh eno panonguno kichileu kumla shichekeu pipuani keshea?

**Khokichile:** Iye. **Zahkiniu 18:10-12** eno **Piyekusu 21:8** lo kichileu tungkupumiqo ghili hitoi pipuani:

- A. Ighinikeu lo ghili pichekemiqo- aqhi aye ghili kighithimi
- B. Tumumi-kithimi ghunguqo sasu kusutsa chekemi
- C. Kudu-zadushichekemi-timi no ithuluakeu launo bidelau shivepuzu thime ajeli hu u shipiyesukeu
- D. Axashechekemi-kithimi-kuxumi dolo kusutsatsa chekeu
- E. Saqhisali eno kiwana ju puzu tishini cheni ipi keu
- F. Aghunguqo sasu kusutsa keu- akhotoshi kithimiqo ghungu sasu kusutsa keu.
- G. Totimi tumumi momu axasheliu.

Kichileu tungkupumi hipaqo kumtsu akichiuno kithimiqo ghungu sasu kusutsakeu shicheni. Baibel no piakeuye kithimiye kuxumi sasu kusutsamlakeu pi ani. (Akiphi kichekutsu 10 lono hipau ghili ninguno philuvea) Kithimi ghungu ipi akeuye tughamino kithimi shikeghili shipuzu wo kuxumiqo pishiqhi chekeu pi ani (**Piyekusu 16:13, 14**). Aw yeh jupuzu eno akshe lo aye kibe jupuzu noye tishinani ipi chekeu hipaqo kumtsu Alhou gizu lo kuchhubekupu lakhike (**Zahkiniu 18:12**) Hitoi shikemi eno tipaqo puluchekemiqo kumtsu kumtsa Alhou yehkipekukaqha launo khathaphevenani (**Galatiami 5:19-21; Piyekusu 21:8; 22:14, 15**).





## 12 Kuchou tungkupu kumla ye akukuhou huthuni keo puLukmi huthuni kea?

**“Tungkuputsa pitsu akeu ye pulumokemiyo ghenguno kumo, ikemu akupulumioyo ghengunoke” (1 Korinthiami 14:22).**

**Khokichile:** Baibel no mutumishei pitsu ani, Tungkupumi no atsape tsukeu hamiye aqo lono shikithetsukeu tsape ani, ikemu akhotou ye akukuhou huthunikeuke.



## 13 Alhou w ado kishekha lo akukuhou lo tungkuputsa pitsukeu ghungu anikeshea?

**Khokichile:** Akiphi kichekutsu 23 lono Jisu no ado-kishekha lo ghili akiqi tsugho lono kichepiyesueva. Ninguno akiqi tipaqo phukidejuni:

- A. Akukuhou hipauye AD. 538 lono wo 1798 kutolo hiyam tsa shi pekipe shi aqaho shimlave.
- B. Akukuhou hipauye AD. 1798 thiuno ipeghi
- C. Akukuhou hipauye akutsunini Sabbath pinyi keu zahkutsu sukuqha puzu ahzakutsu 10 papecheni.
- D. Akukuhou hipau lo tungkuputsa pitsukeu ghungu ani
- E. Akukuhou hipau ye ayeghiqha lau Missionary shikeu kukuhou ke
- F. Akukuhou hipauno **Piyekusu 14:6-14** lo kungumi 3 tsape pesu ayeghiqha lau pikulhatsu ani.

Ninguno akiqi hipaqo akhotoshi kumsulumayesa akeuye Alhou w ado-kishekhau (end-time) lo kukuhou ye Jisu no kichepiyesu akeu akiqi tsugho qo ikhilo eno pape achekeu kukuhouke. Akukuhou hipau lo tungkuputsa pitsukeu ghungu ani, hipau lo tungkupu lakhi ani.

## 14 Kughou nono Alhou wu ado-kishekhau kukuhou lo ilo kuqhaluve nikeno tipau lo aghokutsuqo kumtsu ani, tipau lo noye kishi ilo kuqha nikea?

**“Itehiye ningu ye ititungu kumovea, akukutsu zumulhu huno ningu xapusu hu wo ake ghuloki kumovea; timiyo no amuqukini shieno meluvenikeu pishikiqi lo ilo kitime ake ghuloki kumove” (Efesiami 4:14).**

**Khokichile:** Hipau no aghungu kudau othsupe ngove nani. Noye itehiye okupulu lo avehu izu kunacho akepu vehu kuha.



15

**1 Korinthiami 12:1-18 lo Akhlopeu Paul no Ampeu Jisu no akukuhou ye aphimpi lo aloka ajeli akeu toike ipikeu toi, pa ghi aghungu lo ghokutsu kutomo akeu pi ani. Ike tishiaye aphimpi lo aloka khikhiuno tungkuputsa pitsukeu ghokutsu akiviu kea?**

**"Wovekeu ghulokilo Israel lo, kughou timi lakhi no Alhou lau ighieno injukelo Pano hitoi khochile; ighilo, ningu tungkupuu lau wuni; kughengu itehi tungkupuu ipi ku akeu vilo khaghi loye seer ipi ku cheke (1 Samuel 9:9).**

**Khokichile:** Ado kumtsu lo seer, (khiu ighinikeu lo ghili ithulu chekeu pesu tungkupuu ipi ku ighiveake ghenguno) tungkuputsa pitsukeu ghokukutsa lo anhethino zuqhushitsukeu akiniu shi ani.

16

**Tungkuputsa no akukuhou nhethi lakhi shiveake ghenguno akukuhou khikhino tungkuputsa pitsukeu ghokutsu sumove aye tipau bekutha ye kiu shive nanikea?**

**Khokichile:** Akukuhou tipauye anhethi kighiche lakhi shivenani. Hipau ghili lo Jisu no kumsapu lakhi kichepe ningu piyesu ani. "Tsutsala anhethi kighichemino anhethi kighichemi sasú che aye pama kinikujo azulaki lo iluilove nani" (Mathi 15:14).

17

**Alhou w achili kukuhou lo Khristo no aghotsukeu kumtsu pechenike shea?**

**Khokichile:** Iye. Kuchoyehsu no vequi kutsupiye akeuno, Alhou w ado-ashekha kukuhou lo aghokutsuqo aghimokeye shimla, tipau kiqi ye akukuhou ye aghokutsu kumtsu pe aghimayesa ipikeu ke Tipaqo gholo tungkuputsa pitsukeu ghokutsu ghi sukuqha ani (1 Korinthiami 1:5-8):

Khopemi-Apostles miqo  Tungkupumi-Prophets qo  Tsavipemiqo-evangelists  Akhemi-Pastors miqo  eno akukutsumiqo-teachers qo.

# 18

**Piyekusu 12:17** lo Alhou w ado-kishekha lo achili kukuhou ye Jisu Khristo shepe pecheghimayesae ipi ani. **Piyekusu 19:10** lo pi akeuno, Jisu shepe ye “tungkuputsa pitsukeu ghunguke” ipi. Hipau kiquye akukuhou ye kuchouno tungkupuu lakhi ani keshea?

**Khokichile:** Iye. **Piyekusu 19:10** lo kungumi lakhi no akhopeu Johan vilo pikeuno, pa ghi “Johan kusau aqemi” pa “thikuzumiqo” gholo lakhi, pa ghi Jisu shepe pechekemi lakhike ipi. Hipau tsatho

**Piyekusu 22:9** lono kimichitsu akeuno “nighi okusami aqemike eno othikuzumi tungkupumiqo gholo lakhike.” Hile kungumino pi akeuno paye Jisu shepe pechekemi likhi kumono tungkupuu ghi ke ipi. Tighengu lono Jisu launo ighike shepe khikhi tungkuputsa lono pitsukeu pesu Jisu shepe ipike.



# 19

**Jisu shepe ipi akeu gholo atsa akhoto kutau kiu ghi anikea?**

**Khokichile:** “Jisu shepe” pi akeuye tungkupumi lakhi no kiu shepe tsu anikeno tipau ye Jisu launo ighike tsapeke. Tighenguno kuchou tungkupumi launo akhoto tsape kiu ningu lau ighianikeno tiye Jisu launo ighi anike ipi ikhilumayesa (**Piyekusu 1:1; Amus 3:7**). Kiu kiu ghola lonomu tungkupumi tsa tuchileve eno miliveke lo kumsapu ani. Kughengu tiye Jisu ghochilekeu shi anike. Panongu pelo ningu laghi kichetsu penike ghenguno Ampeu no panongu puu puanike. “Tungkupumiqo ghuza kevalo” (**Leshele 105:15**) ipi Alhou no ningu lau kutughutsu akeulo kiumu akichiqhi akepu kuha. Jisu shepe, Akhoto tsape Jisu launo ighike, philo.



# 20

**Kuchou tungkupumi Baibel kighithi ye kiu qhemi lo aghimayesakea?**

**Khokichile:** Kuchou tungkupumi lau Baibel pesu thejunikeu kiqu hami ani:

- A Paye akimthe kuxu lo xucheghimayesa (**Mathi 7:15-20**).
- B. Pa pelo akumla shipenike ipi Alhou no kulukemi shi aghimayesa (**Isaya 6:1-10; Jeremiya 1:5-10; Amus 7:14, 15**).
- C. Pano kiu tsa pi eno yeh ani keno kumtsu Baibel sasu aphiphi lo aghimayesa (**Isaya 8:19, 20**).
- D. Pano asheazutsa kiu pichhopuwo puanikeno tipaqo kumtsu shikupu mayesa (**Zahkiniu 18:20-22**).
- E. Piyekusu (vision) lono pa lau piyesukeu shipaghimayesa (**Akikihhi 12:6**).



# 21

## Alhou ye Pa w ado-kishekha lo achili kukuhou lo tungkupumi lakhi puu puanike shea?

**Khokichile:** Iye.Pano puu puani. Hile ikholhoikeu lono kimichitsu ani:

### Alhou no totimi alhothe lakhi kulu

Hi Alhou wu ado-ashekhou kukuhou ye AD. 1840 mpe abothu lono huthu, tihenguno akukuhou hipau kichekutsu avehu akhoto shive. Pano (**Amus 3:7 lo**) piqhi puakeu kiqu lono shinike ghenguno, Alhou no totimi lakhi Ellen Harmon pelo Pa wu tungkupulimi shipenike kulu. Ellen no Alhou no li kukeu ikhiluve, Li punu mpe 9 shi akelono liye kutusuve eno izave, eno tipau ghengu lono li ye akiphi akiyeh kushuwalo phiumlave, khaghi lo kiphi ampe 3 likhi phi. Li punu mpe 17 shi akelono li kuluke kutolo li shiahji ye miqemileu, tomochhimo mithe keulo ache. Li shiahji mighiju kelo pounds 70 likhi eno liye thiveni cheghi.

### Li ye ampe 70 Alhou kumla shi

Ellen ye Alhou no li kukeu ikhilu, li shiahji kimiye ghengulono liye akumla shimlananike ipi ithighi ikhilu. Li ye ampe 70 mlache puzu li punu mpe 87 shi akelono li kuxu ashekha shive. Li no miji eno mlachekeuye akukuhou pelo Baibel phi eno ithi penishi, tishikeu no Achine kukhuayeh lo akupulu laghi lakhike. Jisu no amikucho ghokutsu kupukuno pesu li tsu. Tungkupumi lakhi theju keulo li ye qhoi achipilo aghiyeu phulu.

### Li w yeh-ijibo-(pen) ajeh eno kakuqo

Ellen ye Jems White Achinemi lakhi sasu kulakupu shive. Eno li kaku kiyehqo lo Ellen G. White ipikeu jeh qholono yehphe thuve. Liye ayeghiqha lo totimiyo ghola kaku kiyeh lo athi kutomo pithilukemi lakhi. Li no yehphekeu kakuqo ayeghiqha no phi. Alhou no ashiahji kivi ghili ghi li lolo muzusutsuno yehphelupe. Akighithi ghili, alikhi aghasukeu ghili, Khristomi kibo ghili, Apuh aza kuxu ghili, Yehkiphe

eno pe kulhakeu ghili, Avehu shi akemiyo kuphunikeu ghili, Alhou w thimeqo jukutsunikeu ghili, Tsaviye kumla ghili, Khristomi kuxu ghili, eno tinguno alau kutomo yehphepe qhitsu. Li kaku Education ipikeuno akumla lo ighono yehpekuka kua lakhi shi peitha ighi ani. Dr. Florence Stratemeyer, a former professor of education at Columbia University no pikeuno kaku hipau lo akighithi pekholukeyu, kumsupheLukeyu kumzapu ani" ipi. Tipau thiu ampe 50 lo Dr. Clive McCay, former professor of nutrition at Korinmel University, no pikeuno Mrs. White no wovekeu lo ashiahji kivi ghili yehphe keuno itodolo ashiahji kivi ghili yehphe akeu nguno akivi eno akiqheu shi ani" ipi. Athiu kiyephi kiyehmi Paul Harvey no pikeuno, " lino ighono vethakulushieno nutrition ghili yehpuakeuye itodolo phuikomi nguno alau akiviushi yehpuani" ipi. Li wu kaku lakhi The Desire of Ages, Jisu Khristo kuxu ghili yehphekeu kaku shou London lo Stationers Hall no "English masterpiece" ipi yehpe datsu. Hitoi li kumlaqo akiqheu lo suqhetsu eno hepho piyesutsuke. Li no timi lakhi wu alokutsu lo IQ alau ikowonikeu ghili pikeu lo azuu alayehmiyo no tiye achipikepi tipau lo piqabetsu. 1905 lo li no cancer ye kitixecheku kusu pithe lakhike ipi piqhi puakeu ashiahji shikipivi ghili phuikomiqono iphi 1950 mpeu no tipau ghili phuphelu, Ellen ye ado kumtsu lo thime qo ghili yehkiphemiqo ghola abidiu shi anike ipi pephetsu. Li wu kaku lakhi Khristomiyo kuxu ghili yehphekeu Steps to Christ ipikeu kaku hipau ye ishi ayeghiqha lo atsajeli 150 shou pebidesuvea, eno pesu kumsano kijetsu eno timiyo pelo philu achenipe. Nono pulo aghi aye Amazing Facts lau yehpuulo.



# 22

## Ellen White ye kungunhetsu (vision) momu Piyekusu ithulukshea?

**Khokichile:** Iye. Kutomo ithulu. Li no Piyekusu lo akelo asuchedo minutes kini kuthu lono wo ayikihedo tsugho kutolo luvu che. Akiphi kichekutsu hipau lo injiuke 7 lono vision ghili kichetsu ani.

# 23

## Ellen White no pikeu tsaqo ye Baibel lo tsa hami keo Baibel lo sukuphatsukea?

**Khokichile:** Kumoe. Akukutsu (Doctrines) qo ye Baibel lono ighi ani. Ado-ashekhu lo tungkupu lakhike ghenguno li tsapiqo ye Jesu kikimiyi ghili eno Pano itheno ide ighiniye akeuno li kimiji shieno pipuani. Li no Akukuhomiqo vilo Ampeu qe, huthu, eno Pa mikuchoye kumsa ghokutsu lakhike ti ikhilulo ipiche. Li no timiqo vilo ado aghuloki ashekha shivenicheake Baibel lo tungkuputsaqo philo ipi hakuthotsu ani. Akhotoshi ishi ayeghiqha no avehu kuchou shi akeu **Piyekusu 14:6-14** lo kungumi kuthu tsape phi eno kutami laughi pikulha tsulo ipi ani. Li no timiqo vilo lajupu hipau pesu mtazu ayeghiqha lau pikulhatsu lo ipi ani.



# 24

## Ellen White ye Kuchoyehsu sasu aphiqishi piche keshea?


**Khokichile:** Iye. Li kiyehqo lo Kuchoyehsu no chhitoi ani. Li no pi eno yehkeu kimiji ye timiqo kichepe Baibel lo sutsu. Lino pikeu tsaqo ye khilemu kiulomo Alhou tsa sasu kyeqokeu kuha.



25

## Niye Ellen White kiyehqo lakhimu mthake niye kishieno li ye kuchou tungkupu ke ipi ikhilunikea?

**Khokichile:** Nono li kiyehqo philumphi kutolo noye li ikhilumlanani. Tishi aghiepinamu nono ithimayesakeu ye (1) Alhou w ado-ashekhau kukuhou lo tungkupu lakhi ani ipikeu ithimayesa. (2) Ellen White ye tungkupu thejukeu kumtsulo achpishi aghi eno (3) tighenguno lino tungkupu kumla shike. Ninguno opelo li kakuqo gholo lakhi phiju penishi ani eno tipau lono okutoshino ithilu penishi ani Ame kumlau kaku pesu akukuzu shikeu The Desire of Ages Amazing Facts no w lono qhulupenishi ani. Nono tipau phijukelono osasu Jisu lau ighi animono olikhi no inijulo, eno tsutsala akiphi tipaqoye Baibel sasú aphiphi shi animono phujulo. Nono kumsu akeuye tipau phijukelo noye Jisu ghili thebei kumsulunani kepi akupulushi ani. Hipau ye oghenguno yehpuatsu anike.



26

## Akhopeu Paul no tungkupu lakhi ghili akiqi kuthu lono ningu lau ahzatsu ani ipikeu ye kiukea?

**“Tungkuputsaqa thaigha keviló, thime kumtsu thejulo, kiuno akivi eno kuchoukeno ti akumtoshi tsuquluvelo” (1 Thesaloniami 5:20, 21)**

**Khokichile:** Paul no ningu vilo tungkupumi lakhi mu thaigha momu pipusa kevilopi ani. Tishikepu zuqhu lo tungkupumino kiu pi eno mla anikeno tipaqo pesu wo Baibel lo kimighi julo. Tsutsala tungkupumino pikeu tsaqo eno pa kumlaqono Baibel sasú aphiphi shi aghiaye, ninguye tipau ikhilumayesa. Hipau ye Jisu no ishi ado-kikishekhau lo timiqo vilo piakeu tsaqoke.

27

## Kuchou tungkuputsa eno akukutsuqo tuchilevekelo Jisu ye kiu kumsunanikea?

**Khokichile:** Kuchou tungkupumi lakhi tuchilevekeuye Alhou kupulo tuchilevetsu anikepi Jisu no kihisuluve nani (Luk 7:28-30) Tinguno alau Pano pi akeuno aghungu lo thimeqo lo Pa wu tungkupumiqo shou pulubeLukuye gabza lakhi shou ahukikha khaqhive khave akeu paphike (2 Yehkikithi 20:20)





# 28

## Ado-ashekha lo tungkupumiqo ye akukutsu akithe mlaphe chenikeo maye akukutsuqo ye vejoi Baibel lono ighi chenikea?

**Khokichile:** Ado-ashekha lo tungkupumiqo ye panokutoshi akukutsu puthu chemo (**Piyekusu 22:18, 19**). Baibel likhino akukutsu laghike, eno tungkupumiqono alaghi tipau papecheni.

- A. Kiu piyesukeno tipau pesu timiqo lau pephe piyesutsu cheni (**Amus 3:7**).
- B. Timiqo sasu Jisu lau ighieno Alhou tsa philu chenipe
- C. Alhou timiqo pelo Baibel lo vethalu penike kuphutsuno panongu pelo alokivi kuxu lo ighilu chenipe
- D. Chilokumsuvekeu, pishikiqhi eno aghungu lo alokutsukumoqo launo Alhou timiqo sushotsu acheni.
- E. Alhou timiqo pelo ado-ashekha lo tungkuputsaqa phipenike kuphutsu acheni, akhotoshi tsala pekighi kiyephi lo akithe shiipeghi akeqo lo paikhavi lono akiqi akithe pikeu launo akukuhomiqo susholutsu acheni.
- F. Alhou timiqo pelo Jisu no itheno ide ighiniye akeu eno ayeghi ashekha shiveniye akeu ghenguno kutokithilu penike kuphutsu acheni.

Alau Jisu kimiye eno alau Baibel lo kuthokuzuqo ghili phukidejuno alau Baibel lo tungkuputsaqa ithilu penike kuphutsu acheni. Alhou wu ado-ashekha lo tungkuputsaqa inilo, tishieno akuxu lo ajukuvu kithe akeu pesu ow shilulu. Jisu no pikeuno Pa wu ado-ashekha lo akukuhou kumughatsu no panongu pelo tungkuputsaqa lo atsape tsupuakeqo ithilupeni ipi puakeu kumsululo. Ampeu She! Pano Pa wu ado-ashekha lo Pa wu timiqo ghenguno kiu shitsukepu keno kumtsu shitsu akeu ghenguno Paye Pa wu timiqo xaphelu no Pa wu lhokta kukaqha lo wunishi ani. Pa pape chekemiqo ye Pa gholono kungugha lo ilonikeu mutsuqhei akeu piqhi puani (**Mathi 19:27-29**).

**Hi ithilo:** Hino **Piyekusu 14:6-14** lo kungumi kuthu tsape ashedo atokuu lo ighi ani. Itaghi kuthu phini aphi.

# 29

## Noye Kuchoyehsu pesu Ellen White kiyehqo thejuno tsutsala Baibel sasu aphiphishi aghiaye li kukutsuqo ikhilunishi anima?

**Nono khochilenikeu:**

# Nono Iniju Keu Khochiletsu Ani

## 1. Tsatsala akukuhou lo tungkupuu kuhave aye kishive nanikea?

**Khokichile:** Khilehi tungkuputsa kuhavenikeno timiqo ye puhavenani, ikemu khiuno ayezha papechenikeno paye alokivishi anani (**Aholetsa 29:18 KJV**). Kughou akukuhou lakhi lo akukutsu tsa tsunikeu, alaghi kichetsu nikeu eno Jisu lau sasu wunikeu eno Baibel ghili kichepiyesunikeu kuhavenikeno, tile akukuhou ye shokhuve nani eno shipimikeu lo ilovenani (**Leshele 74:9, 10**) eno ashekha loye puhakhave nani.

## 2. Ithei eno Jisu ighinikeu kuma dolo tungkupu sukuphatsu nanikeshea?

**Khokichile:** **Joyil 2:28, 29** no aboqha shi ani, eno tiye mutsuqe'i shikupu ani. Ikemu tile kichileu tungkupu ghi ipeghi nani (**Mathi 7:15; 24:11, 24**). Ninguno Baibel pesu tungkupuu ke ipi ighi akeu tsaqo thejumayesa (**Isaya 8:19, 20; 2 Timothi 2:15**). Kuchoushi aghiaye panongu tsape ikhilulo. Alhou ye Pa wu timiqo haputhutsupenike tungkupuu avehupu shikeu do Pano ithi ani. Timiqo kutughutsuno panongu pelo Jisu lau eno Pa tsa lo xaide ighivepe nani. Egyptmiqo wu lono Israel nuliqo xaphe sasu ighive penke ghenguno Pano tungkupuu lakhi (Muse) puu (**Hosiya 12:13**). Messiah-Jisu ighinikeu laghi ghetsupenike ghenguno tungkupuu lakhi (Johan Baptist) puu (**Mark 1:1-8**) Pano ishi hi ado-ashekha ghengu ghi tungkupu tsape puu puatsu ani. Alhou no timiqo kichepe Baibel lo sutsu ani. Ashekha tsalaqo ghenguno tungkupu tsape tsuno timiqo kupulu shikumtotsu, amulo shikuloghitsu eno ningu lau kuchou pitsu ani, ningu pelo Jisu kimihi lo xulupenike ghenguno. Tighenguno ningu ye tungkupumi tsape ikhilo mayesa. Aghungu lo luthu lakhi kiviipu ghenguno tungkuputsape tsu akeu ghenguno Alhou shikimithi mayesa.

## 3. Ishi kiushiye akukuhouqo kumtsu lo tungkuputsa pitsukeu kuhakea?

**Khokichile:** **Akumulo 2:9** KJV lono pi akeuno, "tile ayezha hu kuhavenani, Li wu tungkupuqo ghi Ampeu launo Piyekusu ithumlave nani" **Ezekel 7:26; Jeremiya 26:4-6; eno Ezekel 20:12-16; eno Aholetsa 29:18** lono pi akeuno, "Khile Alhou timiqono Pa zahkutsu ikhilumovenikeno tile tungkupumiqo ghi Pa launo Piyekusu ithumlave nani. Kughou panonguno Pa zahkutsuqo pape thavenikeno Pano tungkupuu puutsuno panongu mulo shikumtotsu nani, eno alaghi kichetsunani. Kughou Alhou wu ado-kishekha lo achili kukuhou no Pa zahkutsu papeku lo iloghiveni keno - Sabbath zahkutsu sukuqhano, itehiye tungkupuu puutsu kepu avehu shivea ipieno Alhou no ado kihipuakeu achipi lono tungkupuu puutsunani.

## 4. Tungkuputsa pitsukeu ghokutsu o ghenguno amekuapu shivekelo noye kishinanikea?

**Khokichile:** O kutoshi tipau ghili philo eno akighini gholono tipau pape lo tishi aye Jisu no opelo Pa ikighi ghenguno kutolupe nani. "Niye alhokuthu lo lhou shikimithi acheni, ... Pa pelo thime kumtsu lo olau chhitoi tsupenike ghenguno ... Khristo shepe tungkuputsa pitsukeu ghungu ghili opelo ithilu penike ghenguno. Tishienapi aye noye aghokutsu tipau pesu puloniqhiye keu lono ningu Mpeu Jisu Khristo ide ighikeu khelunanike. Pano ashekha kutolo oshikumtotsu nani tishiaye noye ningu Mpeu Jisu Khristo ighike kutolo oshou kiumu muchomunukepu kuhananike" (**1 Korinthiami 1:4-8**).

## 5. Tungkuputsa pitsukeu ghungu momu amili jeli lono pikeuye Alhou w achili kukuhou lo ighono akhotoshi peitha chenikeshea?

**Khokichile:** Tungkuputsa pitsukeu ghokutsu no ighono akhotoshi peitha cheni, (**1 Korinthiami 12:28**) lo aghokutsu akhotoqo tsupakeqo gholo hipauno akiniu lo ani. Ikemu amili jeli lono pikeu ghokutsu ye ashekha shi yehpuani. Akukuhou lakhi lo tungkuputsa pitsukeu ghokutsu kuhanapi aye akukuhou tipau ye anhethi kighiche lakhi toike. Jisu no akhotoshi Pa wu ado-kishekha lo kukuhou lau kumsapu kutughutsu akeuno anhethi icheve akeu ghili pi ani. Mtazu Pa launo anhethi lo kunupu kusughu qhulovelopi ani, tishi aye panongu nhethi tsukholunanike (**Piyekusu 3:17, 18**). Anhethi lo kunupu kusughu kiqiye Akimithe Ghungu pi ani

(1 Johan 2:20, 27; Johan 14:26). Pano aghokutsuqo pesu Pa kukuhou lo tsupuanu (1 Korinthiami 12:4, 7-11). Alhou wu tungkuputsa ikhilo aye ado-kishekha lo timiqo kuphutsuno panongu pelo Baibel vethalupe nani eno mutsuqheimoke eno kubangukeu launo susholuvnenani.

## 6. Tsutsala ninguno Baibel eno Baibel likhi pulu aye ningu dolo tungkupumi akeqoye tuchilevekepu keshea?

**Khokichile:** Baibel likhino Khristomi kukutsu laghi akhotoke. Tishi aghiepimu itaghi Baibel lo ado-kishekha ghulokilo Alhou kukuhou lo tungkuputsa pitsukeu ghokutsu aghimayesanani ipi kichetsu ani (Efesiami 4:11, 13; Piyekusu 12:17; 19:10; 22:9). Tungkupumi lakhi kukutsu tuchilevekeuye Alhou pulou tuchileve ake (Luk 7:28-30). Ningu vilo tungkupu thejulo, eno tsutsala panonguno Baibel sasu aphihihi xucheghi eno picheghi aye panongu kukutsu papelo ipi ahza ningu tsu ani (1 Thesaloniami 5:20, 21) Tighenguno khiuno Baibel likhi pesu pano kupulu boqha shi achenikeno tungkupumino kiu pikeno tipaqo pape chelo. Kuchou tungkupumi ye alhokuthu lo Baibel sasu aphihihihi likhi pinani. Ikemu tungkupu khiuno Alhou tsa sasu kiyegu ghi pinikeno tipau ye kichileuke, tipau ye tuchilevele. Tsutsala ninguno Baibel tsa lumove puzu tungkupu tsa pi ighiakeu thejumove aye ningu kupulu ye Baibel shou aboqha shipuamovea.

### Hilehi okukumsu eno injuakeu pitsulou

## Akiphi kichekutsu hipau ghi akiphi 27 gholo lakhike.

Akiphi kumtsu lo akumzapu kuchouqo no chhitoi ani, hipauno no eno no kibolomiqo kuxu pekilivetsukulupu anike. Akiphi lakhimu vezuve kevilo.

- Akiphi kichekutsu 15:** Khiuno Khristo ghumikea?
- Akiphi kichekutsu 16:** Aqha lono kungumi tsapeqo
- Akiphi kichekutsu 17:** Alhou no akupughuqo shi
- Akiphi kichekutsu 18:** Ado achipi lono! Tungkupu sukusu piyetsu
- Akiphi kichekutsu 19:** Ashekhau kughathabenikeu
- Akiphi kichekutsu 20:** Tughashi michipu
- Akiphi kichekutsu 21:** Baibel Tungkuputsa lo USA
- Akiphi kichekutsu 22:** "Totimi" kutau lakhi
- Akiphi kichekutsu 23:** Khristo nipu-kulaliu
- Akiphi kichekutsu 24:** Alhou ye ayepukighithimi eno akuka kutau pe akemiyo lau muzusutsu keshea?
- Akiphi kichekutsu 25:** Ningu ye Alhou shou pukhu anima?
- Akiphi kichekutsu 26:** Kikimiye huno pekilivetsu
- Akiphi kichekutsu 27:** Ide ighima

Noye niu Akiphi Kichekutsu-14 ithuluvama? Ithulu mono aghi aye, akiyeh tsulo:  
Amazing Facts India, Post Box No 51, Banjara Hills, Hyderabad-500034



Kimiyepu Summary Sheet hipau kishékha mphí zuwuno akíphi phíjúlou. Khokíchile kumtsu akíphi kichékutsu lono íthulunani. Chejuno achípiu khokíchile lo sútsulo. **Akíkíhi parentheses lo píyepuakeu (1) no khokíchile achípiu ke.**

**Form típaú píchiveníkeu ghenguno kímíye pu “Adobe Reader” peithalo.**

- 1) **Hi aqhou akiqi aphiphishi akeu phujulo: (4)**  
 Jisu shepe  
 Amili jeli lono pikeu ghokutsu  
 Tungkuputsa pitsukeu ghungu  
 Timi kukumusu pitsukeu  
 Tungkuputsa pikeu ghokutsu  
 Kíthimi ghungu sasu kusutsakeu  
 Akukuhou lau pítsu chekemi tungkupumi
- 2) **Alhou ye tungkuputsa pitsukeu ghokutsu kípítimi lau ghi eno totimi lau ghi tsucheníkéshea? (1)**  
 Iye Moe
- 3) **Efesiámi akíhedo 4 kíqi lo Jisu no kungugha lo íkuveníkelo aghokutsu 5 pesu akukuhou tsupeíkheu típaqo ye kíu kíu kea? (5)**  
 Tungkupumíqo  
 Akukutsumíqo  
 Alekíphemíqo  
 Avehushi akemíqo sasu kusajekemíqo  
 Pastormíqo  
 Aghínímíqo  
 Thópímíqo  
 Tsavípemí
- 4) **Aghokutsu hípaqo, tungkupumi ghi sukuqha no ado kítóhi akukuhou lo anani kea? (1)**  
 New Testament lo tungkupumíqono thímoke kutolo anani  
 Kughathabemphi kutolo anani  
 Ayeghi kishékhamoke kutolo anani
- 5) **Baibel kíqi lo hi aqhou Yekíkíthi puakeu thímego khipauno Píyekusu lo tungkupu kuchoukea? (5)**  
 Tuqhou míli lono pikeu  
 Píyekusu lo akelo khílemu atsa píchemokeu  
 Anhethi tsukhope ngokeu  
 Píyekusu lo akelo lalashi íthakeu  
 Aphímí loye atúthu shemovekeu  
 Píyekusu lo akelo kxaníloye atsa pí thughíkeu  
 Ayeghi lo suhope akeu ghíliye kíumu íthímovekeu  
 Thosulo íthulu chemokeu íthulukeu
- 6) **Amíchípu kumla shíkeuno alhokúthu Alhou wu tungkupuke ípi kímíchítsu acheni (1)**  
 Iye Moe
- 7) **Hiye Alhou wu tungkupumíke ípi lno íthíve chení tsúsala pa momu lí no (1)**  
 Kíkímíye lono kúpíhuke kumla shí aye  
 Akíchíqíhíkepu kumla shí aye  
 Akuvu yevuqái aye  
 Baibel akívíshí íthi aghíaye  
 Jisu kímíhíshí íthulu aye  
 Baibel sasu aphíphíshí pí eno mla aye
- 8) **Baibel lo akípímí tsuchemokeye hípaqo gholo khíkíhu kea? (1)**  
 Íghíníkeu lo ghíli píkeu  
 Akukumusu ghíli píkeu  
 Ayepu ghíli píkeu  
 Tumu keu  
 Kúduu kumla momu zadu shíkeu  
 Axa shekeu- kíthímí ghungu sasu kusutsakeu  
 Tungkupumí láchí ye Baibel kíqi lono xúkeu
- 9) **Tungkupu kumla atíghíuyé akukuhou huthu- qeníkeu (1)**  
 Iye Moe
- 10) **Akukuhou láchílo kuchou tungkupu kuhakeloye Alhou wu ado-ashékhu kukuhouke ípímílae (1)**  
 Kuchouke Kíchlíleuke
- 11) **Aphímí lo aloka khipauno tungkuputsa píkeu zuqhusítsu aníkea? (1)**  
 Abaxa no  
 Akíní no  
 Aw no  
 Anhethí no  
 Apukhu no
- 12) **Aghulókí-kíshékha lo kuchou tungkupu ye Jisu no akíníu íde íghímíphí zuuno ípeghí naníkéshea? (1)**  
 Iye Moe

13) Baibel eno Baibel likhi papeni ipikeu kiquye kuchou tungkupu ikhiluni ipikeuqiqi ke (1)

Iye Moe

14) I Thesaloniami 5:20, 21 lo tungkuputsa lo thime kuthu ghili lo Baibel no ahza tsupuakeuye kiukea? (3)

Tungkupumi momu tungkuputsa thavekevilu

Tungkupumiqo kumtsu papelo

Tungkupumi momu tungkuputsa qo Baibel pesu thejulo eno kimighijulo

Tungkupumiqo vilo panongu ye kuchoukeo mokeno injulo

Khikhino kuchou eno akivikeno tipau akumtoshi tsuqulvelo

Tungkupumiqo kumtsu puLukvilo.

15) Kughou ninguno kuchou tungkupumi kukutsu tuchilevenikeno ninguye Alhou kukutsu tuchilevae (1)

Iye Moe

16) Aghuloki kishekha lo kuchou tungkupumi ye Baibel lo kuhakeu kukutsu akithe sughinani (1)

Iye Moe

17) Kushiye akukuhou akichiu lo kuchou tungkupu qhitsu mokea? (1)

Tsutsala tungkupu puutsunamu akukuhouqono pulutsumonanike

Panonguno Alhou zahkutsuqo pekupu chemoke ghengunoke

Panongu ye tungkupumi lakhi sumo pinamu panongu kumtsu wu lo avehu shikeu kuvu pe anike ghengunoke

(18) Khile tungkupu kuhakeno tile timiqo puhave cheni (1)

Kuchouke Kichileuke

(19) Akukuhou lakhi lo tungkupu ghokutsu kuhakeuye anhethi kighiche paphie (1)

Iye Moe

(20) Niye Ellen White kiyehqo pesu Baibel lo thejunishi ani eno tsutsala tipaqono kuchouno Baibel sasu aphiqishi aghiaye niye tipaqo ikhilunishi anie

Iye Moe

**Kungu inju puakeqo achipilo khochile tsulo!**



**Tilehi kihisuvani keghenguno oje, email eno thepiu kikihi sulou.**

Owu akiphi kichekutsu KUMUSA no ithuluni keghenguno "Sulou" lo inalo.

Oje :			
Owu Email :			
Thepiu kikihi :			
Okungo-a :			
Aphugui, District :	State :	Aghaqhu :	
Pin :	Apunu mpe amqo:	Gender :	

Anile shi no kusutsa nikeu tipau tsulou